

民國拾年四月去會購自柯城



重刊西安縣志

陸

西安縣志卷二十五

名宦

宦蹟附

夫象應列宿義取如弦縣官重矣西京之世璽書所
下龔黃乃褰墨綬之中宣博斯寡自祭彤拜賜卓茂
膺旌於是潁川四長中牟三異蟬聯朗映茂宰蔚興
其在東漢乎西安剖邑曩代罕著何也吳公稱最竹
素失書韋丹已往金石未勒古人有言感慨係之矣
然蒲亭致化鸞鳳繫其謳思桐鄉奉祠牛羊絜其祀
事是用並述鄭賈兼綜仇梅芳躅斯存高山可仰志

名宦

三國吳

鄭平

萬曆府志嘉禾五年拜將軍以千人守崢嶸鎮咸熙元年以功遷左光祿大夫新昌郡公食邑信安

隋

辛大德

隋書虞綽傳大德天水人爲信安令誅剪羣盜甚得民和煬帝徙虞綽於且末綽走大德所歲餘有識綽者與綽俱爲使者所執會有詔死罪得以擊賊自效信安吏民詣使者叩頭曰辛君人命所懸辛君若去亦無信安矣使者畱之以討賊大德獲全

唐

侯高

季肇國史補李遜爲衢州刺史以侯高試守縣令高策杖入府以議百姓亦近代所難也

按西安隋以前名宦無可考舊志列劉勰爲首但梁史本傳雖云爲太末令而無政績可紀故不牽入又據陳書梁元帝以留異爲信安令乃憚其跋扈後入陳卒以判逆誅府志雖以異列入縣令而不可以入名宦今以鄭平冠名宦之首而唐代名宦據李肇唐國史補以侯高列入焉

宋

留辟疆

詳見忠臣

張應麒

舊志字瑞伯乾道二年爲西安丞治石室堰垂成山水暴漲急湍乘堰堰將壞應麒衣冠乘馬

入水而死屍浮水上面如生淳熙二年贈少卿民建祠祀之

婁機

宋史字彥發嘉興人乾道二年進士知西安縣室買地爲塋域發地遇石復索原價機曰設得金

將誰歸後仕至參知政事卒

王應麟

宋史字伯厚慶元府人淳祐元年進士調西安主簿民以年少易視之輸賦後時應麟卽白郡

守繩以法遂立辦諸校欲爲亂知縣事翁甫倉皇計不知所出應麟以禮諭服之差監平江百萬東倉

舒瀛

四明郡志字登甫奉化人登寶慶二年進士授衢州西安尉兵難卒起瀛先衆捍敵死之朝廷嘉其

忠官其

子模

趙若鐸

梅磡詩話予丙子歲司糾三衢二月十一日宋太后詔諭諸郡歸附郡將下奉詔依應吏民安

堵如故至四月二十三日忽西安縣管下諸郡草寇攻城甚急守將孟茂遁午後城破沈倅應龍被傷西

安令趙若

鐸遇害

元

張拜住

余闕均役志至正十年秋藁城董公來長越德省民疾苦乃曰井田者吾雖不得行而役不重

不均也於是擇其部吏之清強者委之以事以西安縣主簿張一拜住治金華

明

唐鐸

天啟府志鳳陽府人庚子歲從太祖征江州授西安縣丞鐸撫綏歸附以德導民境內安於無事任

滿陞延平府累官兵部尚書

汪朝選

府志九江府人知西安縣廉勤爲政督編版圖監造海舟工費有節里胥無弊

柴伯安

天啟府志河津縣人洪武初爲西安縣丞十四年鄰寇竊發誘邑之九都民爲盜伯安入其地

撫諭之皆泣拜歸順其從盜數十人悉捕誅之民感其德圖像於土神廟至今祭祀焉

姜仲能

天啟府志四川瀘州人洪武二十七年知西安縣性剛果臨事有爲時城中有戍卒暴害良民

官不能制仲能下車卽擒送京師悉戮之境內肅然民賴以安興學校修壇壝庶務咸舉以事去官行李

蕭然

楊守恭

天啟府志新淦縣人建文元年知西安縣豪民犯法貴要多為求免守恭按論不少貸四境肅

然阻給事中

鄒震

天啟府志字方昇江西新喻縣舉人天順間知西安縣存心寬厚不事苛刻在任六年民樂其寬而

懷其德

羅文

舊志高要縣舉人成化六年為西安教諭持身端謹範模後學

廖鉉

舊志崇慶州進士成化二十一年知西安縣處心簡易行政寬平陞雲南大理府同知

林典

舊志字汝淳莆田縣舉人宏治元年為西安教諭學政嚴肅嘗典兩京文衡

戴旦

舊志字克寅浮梁縣舉人宏治十八年知西安縣時稱其有風惠政浹洽於人以薦陞大理府同知

黃仁山

舊志字元靜江西新淦人由進士任刑科給事中抗疏數十上忤時宰出守嚴州尋謫西安縣

丞下車卽署邑篆及耨強猾清釐積弊改邑宰號舍開泮池遂利科目間巷有歌道路有謠學宮有祠士林哀次異政十有六條各繫以歌詠轉尹鄞縣去之日士民爲立碑於清獻祠北之水濱

張潤身

舊志直隸成安人由進士爲西安令咨訪民隱剔奸搜弊罔不盡心奉檄清理田糧根求弊端

悉行釐革稅畝歸正得上古均田之意刻石縣門杜絕後奸

黃若愚

舊志臨川縣人嘉靖元年爲西安縣訓導賦性剛直持身方正爲諸生敬憚博學尤長於詩

林鐘

舊志字太和別號鳳山高要縣進士嘉靖四年知西安縣居官不事苛刻獄訟平而徭役均租庸減

而夫差省他邑有疑獄積年不斷者當道令鐘劾之悉得白

張江

天啟府志字宗海號盤溪廬陵縣舉人嘉靖八年知西安縣爲人仁恕廉潔政由古道興學校正士

習明鄉約立小學復義倉設義塚禁淹沒均徭役子
視其民民歌咏之名曰稽古化民錄立生祠於羅漢
寺寺廢又遷祠顯報寺

冉崇禮

舊志河南中牟人由進士知西安縣歷任四年

令章程井井有條裁冗費節賦役勞心撫字以
民食為急凡陂堰潰決必先時修築旱澇有備

謝濂

舊志閬縣人嘉靖十五年為西安縣訓導經明行
修勤於課士巡按傅翔稱其器度莊凝文學優長

堪為師範一時以為確論

俞大有

舊志莆田縣舉人嘉靖三十八年知西安縣礦
民為盜攻剽鄉邑四十年知事祝芹死之大有

集兵抵賊巢俘斬首
亂百餘人餘黨解散

問孟

舊志河南進士隆慶元年知西安縣時稱其愛
士如師傅之教生徒撫民如父兄之育子弟卹

悍獨如慈母之乳嬰兒制胥吏如扁鵲之觀五臟祛
暴豪如鷹鷂之逐鳥雀眾但見其怡然色笑晏然安
坐而不知其事機

李瀾

府志判衢州善行常平之法署四邑篆勞心興除
在信安則調停船夫差役至除里甲幫索之例恤

織造進輸之艱仁心惠政不一而足若其夙猾巨奸嚴治不少貸

李一陽

天啟府志字復吾丹徒人丁未進士萬曆六年
任西安令摘伏發奸課士取實誼黜浮華時當

丈量躬自履畝於田稅每畝減九釐地稅每畝減三
釐三毫水淤地三畝折一畝山荒地二畝折一畝歲
省民間稅銀數千陞
南京浙江道御史

許國誠

天啟府志字孟葵晉江人癸未進士萬曆十一
年知西安縣政崇惇大字民以仁幾至刑措事

上以正不屑逢迎雖催
科甚緩而民無逋賦

王臨亨

舊志號止菴崑山縣進士萬厯十七年知西安縣爲人剛毅而撫摩赤子情意肫切有窩盜者

廉得立斃之盜以解散

李僚

府志嘉魚縣進士萬厯十九年推官爲人寡言笑嗜讀書常隨御史巡行所至彰瘡公明蝨蠹盡汰

署西安縣事有惠政百姓德之

林雲

天啟府志字從龍號澹元福清縣進士萬厯二十四年知西安縣歲當大造匝月告成除隱灑之弊

大祓禱雲致雨出粟賑饑所全活甚衆中貴人將開礦雲悉心調停商民兩便又嘗捐俸建鐘樓於城北

置學田二十二畝以養士

楊世勳

舊志字濟美江陵人辛丑進士萬厯三十年知西安縣勞心撫綏每訟詞入輒勸戒投息公庭

如
水

俞琬綸

舊通志長洲人萬歷中知西安在任五稔政清事簡人稱豈弟

劉有源

施閏章學餘文集字仲開別號崐海南陵人也邑西有工山最高重公者以其地稱工峰先生

積學有文舉萬歷三十五年丁未進士魁其經知浙江西安縣縣故孔道先是以供億責農民力困則死徙公預給官費使治廚傳不匱三月一會計偕人馬戶不得為奸利其民徭計戶等役貧者不能支公核田壤多寡上下為平準民大悅服又出私錢繕雙溪舟梁在縣五年以最聞

賀康載

通志號青園江西永新縣舉人天啟間知西安縣洞悉民隱興革悉當復雇役之常夫船有編

甲馬有更番民忘征徭之累鼎建邑學割俸以倡舊志賀公政尚嚴明有張湯尹賞之風然務崇儉約食不二味尤不喜見優人民間衣服有華詭者必按治之其在公庭亦必先懲之而後讞其事民以醇慤

花上苑

舊志南充人崇禎四年由進士知西安縣政尚和緩務以德化民凡民間構訟必委曲訓導之

令退思三日乃就訊
多有愧悔和解去者

國朝

成晉徵

府志山東進士沈靜寡言笑順治七年知西安
縣時際兵燹之後絃誦寂寥晉徵下車課藝論

文朝夕不倦一時士子德之

白拱薇

舊志字暉山沔陽洲進士順治十一年知西安
縣臨政和平歲旱素服草履步禱者月餘捐俸

築石室堰百姓立生祠於堰所

李忱

舊志安邑人政令綜核人不敢欺特嚴溺女之禁
凡民間有育女者令鄉里條其姓氏聞於官富者

加以獎諭貧者膳以銀米爲養育之資始終十年不
懈生息以蕃邑有邪教燒香聚衆蔓延至數千人盡
燬其祠宇驅斥之民賴以寧

鹿佑

舊志字有上號蘭臯鳳陽府穎川人王戌進士秉性剛正不徇情面沈毅有幹略遇事敢為無所撓

避學宮自閩變以來墻垣傾圯檮桷飄零甫下車卽前後修葺煥然一新重建明倫堂開內泮池詳學碑記行取除禮部主事遷江南道御史巡視南城

晉大忠

山西鄉賢冊字心葵趙城人從軍浙江署沿海守備奪戰船生擒賊將史良謨耿逆之變轉戰

龍游金華功績甚著以守備管游擊事調赴衢州至繆村與賊戰橫刀馬上斬馘數十人力竭而死事

聞

賜祭一壇厚恤其家

閔有功

表忠冊遼東人任衢協右營把總康熙十四年三月禦耿逆殉難於西安縣之繆村督標營兵

金玉從死事

聞予恤

諭祭

一次廕一子衛千

總金玉並加卹賞

陳鵬年

通志字滄州湖廣湘潭人康熙辛未進士三十五年知西安縣民戶多爲虛糧賠累鵬年申請

丈量每都設公正二人每圖分十區設區長二人區長同花戶自丈自田每坵插立牌杆上書弓口若干積步若干現田若干業主某人區長彙其總數交與公正另造清冊務使現田科糧豁除絕戶而以丈出餘糧補從前缺額又留心水利將承堰水田編爲十甲遞年輪流擇甲內田多而齒壯者僉爲堰長督率人夫築砌堰壩其堰夫工食及需用物料照田出費每畝三釐二毫衆皆樂從縣西北百里有銅山奸民衆衆開礦鵬年申請嚴檄驅除之有鄭榮組妻徐氏者夫舅冤不白憤觸石碑而死越七年鵬年廉得其狀爲雪其冤造墓立祠題額曰孝烈他若建文昌閣廣漏澤園治橋建閘葺學修志平糶緩徵禁止停喪溺女善政不可勝舉陞任江南歷官總督河道

宦蹟

附

錢瑞徵

兩浙翰軒錄字鶴菴一字野鶴嘉興人康熙癸卯舉人考授知縣改衢州府西安教諭著南樓

詩草忘憂草等集朱彝尊忘憂草序略錢君居下位不以扼窮爲憫而吟咏自適汪嘉穀曰贈公爲香樹太傅之祖官西安時持行嚴謹課士有法歿後崇祀鄉賢

王世甲

四川進士雍正三年任蒞政以教化爲先下車伊始卽備詢利弊重農務本次第見諸施行建

先農壇置耒田皆捐俸爲之以累民又立忠義祠以勵名節立節孝祠以彰潛德此其通達治體卓卓可紀者也

任之俊

陝西長安縣舉人雍正十一年任西邑田地山塘舊無鱗冊易爲豪強兼併公於乾隆元年行

丈量法創立清單註明四至戶名畝分散給業戶收執又設公正區長以便查核由是民產均無欺隱合邑稱便西門外江常二水合流城壩幾有日圯之虞任公修廢興墜不憚煩勞先修城壩次移馬頭先後

興舉城垣無衝刷之虞行舟無覆溺之患皆公之力也後以循聲膺卓薦迄今衆口猶交稱之重修城壩

浮橋碑記

陳本

字汝立號筠亭仁和人雍正卯辰聯捷知廣東清遠縣改長興教諭乾隆乙丑任西安教諭勤課諸

生更以反切三十六字母循循善誘有富生索叔欠毆傷其額鄰族爲伸於學姪懼詳禡賄公公俟傷愈傳其叔姪諭曰汝念爾胞兄恕其禡草但教宮失訓罰我百金卽以姪賄面與之并使謝罪叔姪和好如初有偷兒竊印篆去次夜得於署圃越數日偷兒以他事發覺縣鞫卽伏曰某前日穴入學署書籍外亭無長物竊入寢房惟箱中一小篋鐻鑰甚固疑爲得金賁出啟視大駭不忍爲清官累因乘夜置於後園

令因薄懲而釋之年老告歸行

李蕭然著有韻律八卷行世

岳淳

乾隆十二年任政尚廉明小戶錢糧無自封投櫃者有之自岳公始并令可信任之親屬監視胥吏